



Na osnovu člana 64. stav 1. tačka a) „ekonomski najpovoljnija ponuda“, člana 70. stav 1. i 3. Zakona o javnim nabavkama (Službenik glasnik BiH br.39/14, 59/22, 50/24.), na osnovu Zapisnika o ocjeni ponuda Komisije za javnu nabavku broj: 07-2-16-3-875-19/26 od 26.06.2026. godine i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23), Centralna izborna komisija Bosne i Hercegovine je na 40. sjednici održanoj 09.07.2026. godine, d o n i j e l a

ODLUKU

o izboru najpovoljnijeg ponuđača za javnu nabavku:

„Nabavka usluga osmišljavanja, izrade i provođenja kampanje za edukaciju birača za glasanje”

I

Komisija je konstatovala da je u postupku javne nabavke: „Nabavka usluga osmišljavanja, izrade i provođenja kampanje za edukaciju birača za glasanje“ zaprimljeno 5 ponuda od kojih je jedna ponuda ocijenjena prihvatljivom, dok ostale četiri ponude nisu prihvatljive. U skladu s navedenim najpovoljnijim ponuđačem proglašava se ponuđač

„INVENTA“ d.o.o Sarajevo

sa cijenom ponude u iznosu od 192.800,00 KM bez PDV-a i sa ponuđenim rokom izrade kompletnog materijala u trajanju od 20 dana

II

Po sticanju uslova za zaključenje okvirnog sporazuma ugovorni organ će pozvati izabranog ponuđača radi potpisivanja istog u skladu sa uslovima ugovornog organa navedenim u ovom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: broj: 07-2-16-3-875-1/26 od 29.05.2026. godine. Javna nabavka se provodi otvorenim postupkom nabavke. Procijenjena vrijednost postupka javne nabavke bez PDV je **230.200,00 KM**.

Obavještenje o nabavci broj: 7 94-1-2-139-3-5/26 je objavljeno na Portalu Agencije za javne nabavke dana 29.05.2026.godine, a u Službenom listu BiH broj 39 od 05.06.2026.godine.

Komisija za javnu nabavku imenovana je Odlukom broj: 07-2-16-3-875-2/26 od 29.05.2026.godine u sastavu:

1. Adin Šabić, vanjski saradnik s iskustvom u oblasti poznavanja predmeta nabavke, predsjedavajući
2. Maksida Pirić, članica
3. Melisa Fazlibegović, članica
4. Zlata Kokorović, vanjski saradnik iz oblasti poznavanja propisa o javnim nabavkama, članica;
5. Marijana Žuljević, članica.

Zamjenski članovi komisije su:

1. Zehra Tepić, zamjenica predsjedavajućeg
2. Amila Delić Muhić, zamjenica članice
3. Lejla Jašarević, zamjenica članice
4. Mladen Vičević, zamjenik članice
5. Brankica Doder, zamjenica članice.

Za sekretara komisije imenovana je Neziha Mustafić.

Za angažovanog vanjskog stručnjaka izvan ugovornog organa imenovana je Amila Muhamedagić.

Komisija za javnu nabavku je blagovremeno i pravilno izvršila otvaranje ponuda, o čemu je sačinila odgovarajući zapisnik u kojem je utvrđeno sljedeće:

-da je ukupan broj blagovremeno pristiglih ponuda 5 ponuda, i to sljedećih ponuđača:

Redni broj	Ponuđač	Cijena ponude bez PDV-a (KM)	Popust	Cijena ponude bez PDV s popustom uračunatim	Rok izrade
1.	„INVENTA“ d.o.o Sarajevo	194.800,00	0	194.800,00	20 dana – 1. opcija
2.	„MITA GROUP“ d.o.o Sarajevo (Ponuđač je dostavio i i dopunu ponude)	190.840,00	9.542,00	181.298,00	20 dana- 1. opcija
3.	„VIA MEDIA“ d.o.o Sarajevo	210.101,90	0	210.101,90	20 dana-1. opcija
4.	„AD HIVE“ d.o.o Sarajevo	194.250,00	0	194.250,00	20 dana – 1. opcija
5.	„MAŠTA“ d.o.o Sarajevo	194.500,00	0	194.500,00	20 dana- 1. opcija

Komisija je prilikom evaluacije ponuda koje su pristigle u ostavljenom roku konstatovala sljedeće:

Ponuda ponuđača „INVENTA“ d.o.o Sarajevo je blagovremena ponuda i ispunjava uslove iz tenderske dokumentacije. Prilikom provjere računske ispravnosti ponude utvrđeno je da ponuda sadrži grešku u računici te je ugovorni organ navedenom ponuđaču uputio zahtjev za saglasnost za ispravkom računske greške. Ponuđač je blagovremeno dostavio saglasnost za ispravkom računske greške tako da je ista izvršena te je cijena ove ponude u konačnici 192.800,00 KM. Komisija je ponudu ocijenila prihvatljivom ponudom.

Ponuda ponuđača „MITA GROUP“ d.o.o Sarajevo je blagovremena i računski tačna ponuda, ali je neprihvatljiva ponuda. Naime, tačkom 3.4.2. pod b) tenderske dokumentacije ponuđači su u okviru ponude trebali dostaviti obične kopije važećih dozvola Regulatorne agencije za

komunikacije BiH za najmanje dvije TV stanice kojima se potvrđuje emitovanje programa istih na području BiH. Uvidom u ponudu ovog ponuđača utvrđeno je da isti navedene dozvole nije dostavio. Ovakav propust ne može se smatrati manjim nedostatkom, jer je ponuđač propustio da uopšte dostavi određeni dokument – onaj koji je zahtijevan tenderskom dokumentacijom. Postupak javne nabavke je formalan postupak i da bi ponuda bila prihvatljiva ista mora da sadrži sve što je zahtijevano tenderskom dokumentacijom. Ponuda ponuđača „MITA GROUP“ d.o.o Sarajevo ne sadrži sve što je zahtijevano tenderskom dokumentacijom te se ista ocjenjuje neprihvatljivom ponudom.

Ponuda ponuđača „VIA MEDIA“ d.o.o Sarajevo je blagovremena i računski tačna ponuda te ista sadrži sve što je zahtijevano tenderskom dokumentacijom, ali je nepravilna. Naime, prilikom kreiranja ponude ponuđač je mijenjao tekst tenderske dokumentacije – promijenio je font slova, izjave iz člana 45, 50 i 52 ZJN je stavio na svoj memorandum, a što je nedopustivo obzirom da je riječ o formalizovanim obrascima čiji sadržaj je propisala Agencija za javne nabavke BiH podzakonskim aktom, iz obrasca za cijenu ponude je izbrisao čitav dio „Napomene“. Napomene su sastavni dio obrasca za cijenu ponude i nije dozvoljeno mijenjati ih niti brisati. U tački 4.1.1. tenderske dokumentacije navodi se da ponuđač ne smije mijenjati niti nadopunjavati tekst tenderske dokumentacije. U skladu s navedenim komisija je ponudu ovog ponuđača ocijenila nepravilnom ponudom.

Ponuda ponuđača „AD HIVE“ d.o.o Sarajevo je blagovremena i računski tačna ponuda, ali neprihvatljiva ponuda. Naime, tačkom 3.4.2. pod b) tenderske dokumentacije ponuđači su u okviru ponude trebali dostaviti obične kopije važećih dozvola Regulatorne agencije za komunikacije BiH za najmanje dvije TV stanice kojima se potvrđuje emitovanje programa istih na području BiH. Uvidom u ponudu ovog ponuđača utvrđeno je da isti navedene dozvole nije dostavio. U okviru ponude ponuđač je umjesto dozvola dostavio e-mail prepiske datirane na datum 16.06.2026. godine, samo tri dana prije otvaranja ponuda u ovom postupku javne nabavke. Na području BiH postoji čitav niz TV stanica koje emituju program na području cijele BiH te je ponuđač imao mogućnost da se obrati nekom od njih ukoliko mu TV operater kojem se obratio nije htio dostaviti dozvolu. Navedeni ponuđač to nije uradio te u ponudi nije dostavio dokumente koji su zahtijevani tenderskom dokumentacijom. Ovakav propust ne može se smatrati manjim nedostatkom, jer je ponuđač propustio da uopšte dostavi određeni dokument – onaj koji je zahtijevan tenderskom dokumentacijom. Postupak javne nabavke je formalan postupak i da bi ponuda bila prihvatljiva ista mora da sadrži sve što je zahtijevano tenderskom dokumentacijom. U skladu s navedenim ponudu ponuđača „AD HIVE“ d.o.o Sarajevo komisija je ocijenila neprihvatljivom ponudom.

Ponuda ponuđača „MAŠTA“ d.o.o Sarajevo je blagovremena i računski tačna ponuda, ali neprihvatljiva ponuda. Naime, tačkom 10.1 tenderske dokumentacije zahtijevano je da se u okviru ponude dostavi garancija za ozbiljnost ponude. Uvidom u ponudu ovog ponuđača utvrđeno je da isti nije dostavio garanciju za ozbiljnost ponude. Također, potvrda o uredno izvršenom ugovoru nije prihvatljiva obzirom da je ugovor realizovan ranije, izvan perioda od posljednje tri godine kako je zahtijevano tenderskom dokumentacijom. Ponuđač nije dostavio ni fotografije led displaya

koje su zahtijevane tenderskom dokumentacijom. Postupak javne nabavke je formalan postupak i da bi ponuda bila prihvatljiva ista mora da sadrži sve što je zahtijevano tenderskom dokumentacijom. Obzirom da ponuđač nije dostavio dokument koji je zahtijevan tenderskom dokumentacijom komisija je i ovu ponudu ocijenila neprihvatljivom te predložila da se donese odluka o izboru najpovoljnijeg ponuđača i istim proglasi ponuđač „INVENTA“ d.o.o Sarajevo sa cijenom ponude u iznosu od 192.800,00 KM bez PDV-a i ponuđenim rokom izrade materijala u trajanju od 20 dana.

U skladu sa svim gore navedenim te prijedlogom komisije odlučeno je kao u dispozitivu.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže Uredu za razmatranje žalbi putem ugovornog organa u pisanoj formi direktno ili preporučenom pošiljkom. Žalba se podnosi u 3 (tri) primjerka. U skladu sa članom 105, stav (2) ZJN BiH („Službeni list BiH“ 50/24) žalilac je dužan dostaviti nesumnjiv dokaz o plaćenju naknadi za pokretanje žalbenog postupka.

Broj: 07-2-16-3-875-22/26
Sarajevo, 09.07.2026. godine



Dostavljeno:

1. „ADHIVE“ d.o.o Sarajevo
2. „INVENTA“ d.o.o Sarajevo
3. „VIA MEDIA“ d.o.o Sarajevo
4. „MITA GROUP“ d.o.o Sarajevo
5. „MAŠTA“ d.o.o Sarajevo
6. Evidencija
7. Internet stranicu ugovornog organa